

SL(6)694 – Rheoliadau Deddf Caffael 2023 (Symiau Trothwy) (Diwygio) (Cymru) 2025

Cefndir a Diben

Sefydlodd Deddf Caffael 2023 ("**Deddf 2023**") bwerau gwneud rheoliadau i Weinidogion Cymru mewn perthynas â chaffael cyhoeddus Cymru.

Mae *Rheoliadau Deddf Caffael 2023 (Symiau Trothwy) (Diwygio) (Cymru) 2025* (y "**Rheoliadau**") yn diweddarau trothwyon ariannol penodol yn Atodlen 1 i Ddeddf 2023 ("**Atodlen 1**"), sy'n llywodraethu'r gweithdrefnau ar gyfer dyfarnu contractau cyhoeddus ar gyfer nwyddau, gwaith a gwasanaethau.

Mae'r trothwyon hynny yn pennu uwchlaw pa werth y mae contractau o wahanol fathau i gael eu rheoleiddio gan y gyfundrefn caffael cyhoeddus o sylwedd.

Mae'r Memorandwm Esboniadol yn nodi y bydd "y diwygiadau hyn yn dilyn adolygiad o'r trothwyon perthnasol i sicrhau eu bod yn parhau i gyfateb i'r trothwyon perthnasol a osodir yng Nghytundeb Sefydliad Masnach y Byd ar Gaffael Llywodraeth". Mae'n nodi ymhellach y bydd hyn yn sicrhau "bod y DU yn parhau i gydymffurfio â'i rhwymedigaethau rhyngwladol" ac y bydd yn "rhoi sicrwydd cyfreithiol i Awdurdodau Contractio Cymru, yn sicrhau cysondeb ar draws awdurdodaethau'r DU, ac yn lleihau'r risg o anghydfodau masnach".

Gweithdrefn

Negyddol

Gwnaed y Rheoliadau hyn gan Weinidogion Cymru cyn iddynt gael eu gosod gerbron y Senedd. Caiff y Senedd annilysu'r Rheoliadau o fewn 40 niwrnod (ac eithrio unrhyw ddiwrnodau pan fo'r Senedd: (i) wedi'i diddymu neu (ii) mewn cyfnod o doriad am fwy na phedwar diwrnod) i'r dyddiad y'u gosodwyd gerbron y Senedd.

Materion technegol: craffu

Ni nodir unrhyw bwyntiau i gyflwyno adroddiad arnynt o dan Reol Sefydlog 21.2 mewn perthynas â'r offeryn hwn.

Rhinweddau: craffu

Nodwyd y ddau bwynt a ganlyn i gyflwyno adroddiad arnynt o dan Reol Sefydlog 21.3 mewn perthynas â'r offeryn hwn:

- 1. Rheol Sefydlog 21.3(ii) - ei fod o bwysigrwydd gwleidyddol neu gyfreithiol neu ei fod yn codi materion polisi cyhoeddus sy'n debyg o fod o ddiddordeb i'r Senedd**

Rydym yn nodi y daeth y Rheoliadau hyn i rym ar 1 Ionawr 2026.



2. Rheol Sefydlog 21.3(ii) - ei fod o bwysigrwydd gwleidyddol neu gyfreithiol neu ei fod yn codi materion polisi cyhoeddus sy'n debyg o fod o ddiddordeb i'r Senedd

Nodwn fod y diwygiadau a wnaed i Atodlen 1 gan y Rheoliadau hyn wedi dod i rym bum munud yn ddiweddarach na diwygiadau ar wahân a wnaed i'r un ddarpariaeth gan reoliadau Senedd y DU.

Er ein bod yn fodlon bod Atodlen 1 fel y'i diwygiwyd yn gyfreithiol gadarn, rydym yn pryderu ynghylch anhygyrchedd a darllenadwyedd y gyfraith fel y'i cyhoeddwyd o ganlyniad i hyn.

Isod mae sgrinluniau o Atodlen 1 fel y'i cyrchwyd ar 13 Ionawr 2026 (12 diwrnod ar ôl i'r darpariaethau ddod i rym) o Legislation.gov a dwy wefan ddeddfwriaeth ar wahân sy'n seiliedig ar danysgriafiadau. Nodwn fod y testun cyn y tabl yn amrywio rhwng y tair fersiwn, yn ogystal â chynnwys y tabl ei hun.

Mae'r Memorandwm Esboniadol yn nodi y bydd y Rheoliadau hyn yn "*rhoi sicrwydd cyfreithiol i Awdurdodau Contractio Cymru*". Felly, rydym yn ystyried bod yr amrywiadau hyn yn hynod annymunol, yn ddryslyd ac yn ansicr i ddefnyddwyr y ddeddfwriaeth (gan gynnwys defnyddwyr proffesiynol).

Procurement Act 2023

1

◀ Previous: Provision

Next: Paragraph ▶

1

(1) [F1The threshold amount for a contract of a type referred to in the second column of the table below is [F2the threshold set out in the corresponding row of the third column.]

F3(c)

F4(d)]

	Type of contract	F5...	F6...	[F7 Threshold amount F8...
1	Defence and security contract that is a works contract	F5...	F6...	£5,193,000
2	Defence and security contract that is a concession contract	F5...	F6...	£5,193,000
3	Defence and security contract not within row 1, 2 or 8	F5...	F6...	£415,440

1

2

(1) [The threshold amount for a contract of a type referred to in the second column of the table below is—

(c) if the contract is regulated by the Welsh Ministers, the threshold set out in the corresponding row of the third column, and

(d) in any other case, the threshold set out in the corresponding row of the fourth column].

	Type of contract	Threshold amount[: contract regulated by Welsh Ministers]	[Threshold amount: any other contract [: contract regulated by Welsh Ministers]	[Threshold amount: any other contract
1	Defence and security contract that is a works contract	£5,336,937	£5,372,609	[£5,193,000
2	Defence and security contract that is a concession contract	£5,336,937	£5,372,609	£5,193,000
3	Defence and security contract not within row 1, 2 or 8	£426,955	£429,809	£415,440



1	(1) [The threshold amount for a contract of a type referred to in the second column of the table below is [...] ²] ¹ [...] ³ [		3
	Type of contract	Threshold amount [...] ⁵	
1	Defence and security contract that is a works contract	£5,193,000	
2	Defence and security contract that is a concession contract	£5,193,000	
3	Defence and security contract not within row 1, 2 or 8	£415,440	

Nodwn fod y Cwnsler Cyffredinol o dan ddyletswydd barhaus i adolygu hygyrchedd cyfraith Cymru o dan adran 1 o Ddeddf Deddfwriaeth (Cymru) 2019. Mae hyn yn cynnwys sicrhau ei bod yn cael ei chyhoeddi ar ffurf gyfredol (gan gynnwys dangos a oes deddfiadau mewn grym ac ymgorffori unrhyw ddiwygiadau iddynt), sicrhau ei bod yn hawdd ei deall a'i bod yn sicr o ran ei heffaith.

Gofynnir i Lywodraeth Cymru gadarnhau pa un o'r tri uchod sy'n adlewyrchu'r gyfraith sydd mewn grym yn gywir ar y dyddiad y mae'n ymateb.

Rydym hefyd yn gofyn am ymateb mewn perthynas â'n pryderon ehangach ynghylch hygyrchedd deddfwriaeth wedi'i diwygio.

Ymateb Llywodraeth Cymru

Mae angen ymateb gan Lywodraeth Cymru mewn cysylltiad â'r ail bwynt rhinweddau yn unig.

Trafodaeth y Pwyllgor

Trafododd y Pwyllgor yr offeryn yn ei gyfarfod ar 19 Ionawr 2026 ac mae'n cyflwyno adroddiad i'r Senedd yn unol â'r pwyntiau adrodd uchod.

